

FACTVM,

Pour Maistre Estienne de Seue, Clerc au Diocese de Paris, demandeur, contre Maistre Guillaume Belin Prestre defendeur, & encores Maistre Pierre Martin demandeur en complaincte.


BELIN s'arreste aux fins de non recevoir, quand on la pressé sur sa foy & parolle donnée: & au fonds desnie qu'il soit confidentiaire, sur ce qu'il a poursuiuy & payé ses expeditiōs & en est saisi. Aussi qu'il a fait tous actes de vray titulaire depuis 1601. & poursuiuy les procez du Prieuré. Et par iniures & calomnies estime s'excuser du crime de simonie, le moindre de tous ceux qu'il a commis.

Il est cōstat entre les parties que Anthoine de Caux Chanoine dispensé à Tours, fut en 1590. pourueu du Prieuré de Dommart. Il appert au procez que feu Touchart Abbé de Bellozane pour obtenir nominatiō du Roy à l'Euesché de Meanx, par la faueur de la Dame Duchesse de Beaufort, promist faire resigner le Prieuré de Dommart au fils du Sieur de Seue ou autre pour luy attendu son bas aage, & que Maistre Bon de Serres, fut nommé pour premier gardien, & pour ce y eut concordat passé entre ledit Touchart & ledit de Serres le 5. Decembre 94. pour auquel satisfaire ledit Touchart pardeuant Notaires deliura procuration passée par ledit de Caux en Nouembre, 1594. pour resigner ledit prieuré de Dommart en faueur dudit de Serres. Que ladite procuration fut admise en Iāuier, 1595. par Monsieur de Bourges en vertu d'arrest du Parlement de Decembre, 1594. & y eut possession prise par ledit de Serres en Aupil, 1595. Le tout deüement infirmé des lors.

Dont s'ensuit que la prouision dudit Prieuré en faueur de Simon Caronel du 17. Iuillet, 1597. cōme vacquant par la mort dudit de Caux aduenü en Mars, 1597. ne pouuoit auoir lieu au préjudice dudit de Serres qui ayant esté pourueu & pris possession empeschoit que ledit prieuré peut vaquer par la mort dudit de Caux, suruenü dans les deux ans suiuaus.

Le Concordat fut fait par ledit Touchart porteur de ladicte procuration dudit de Caux, & en presence de Maistre Nicolas de Biguesmaistre de Simon Carouel, & par leedit Touchart & de Bigues fut aduisé avec le pere du demãdeur de ne mettre en euidēce le droit dudit de Serres, & le taisāt, obtenir vne prouisiō par la mort dudit de Caux sous le nom dudit Caronel choisi pour 2^e. cōfidentiaire & le subroger au lieu dudit de Caux demandeur en complainte au grand Conseil contre Bayart prétendant droit audit Prieuré, sans laquelle assurance dudit Caronel pour ledit demandeur, iamais on n'eust laissé esteindre les droits dudit de Serres & perdre l'effect de la promesse faite dudit Prieuré par ledit Touchart en la p^{re}sent^{ce} du Roy & auctorisee par son breuet.

A



Voila doncques vn premier principe estably pour le demandeur que de Caux a resigné audit de Serres pourueu, qui a pris possession des 1595. le tout infinué, & que ledit de Serres estoit comme il a recogneu simple confidentiaire & premier gardien dudit demandeur.

L'autre principe est que le droit dudit de Serres a esté industrieusement teu & caché pour donner promptement ouuerture & lieu audit Caronel deuxiesme gardien: & de fait dans quatre mois on obtint recreances sous son nom contre Bayart, A quoy il ne fut iamais parueniu si ledit de Serres eut paru qui par sa resignation admise deux ans auparavant eut exclus la prouision par mort.

Et appert que ces deux drois appartenoiēt esgalement au demandeur en ce que ledit de Bigues Prieur d'Essone, qui auoit le tout traitté & fait pour ledit Touchart avec le pere du demâdeur leur auoit baillé ledit Caronel son seruiteur domestique pour confident, auquel outre ce qu'on fit leuer ladite expedition par mort, on bailloit euidentement ledit prieuré en tant que on ne mettoit en euidence le droit dudit de Serres.

C'est le premier point de confidence dudit Caronel, qu'on luy a donné ce tiltre par mort, & on le luy a donné encores vne fois pour le demandeur en ce qu'on a teu le droit dudit de Serres, le deuxiesme est assez euident par sa qualité & condition verifiée par le papier Iournal du mesnage champestre du Prieuré d'Essone, & lettres qu'il en a escript audit de Bigues son maistre. Le 3. & indubitable resulte des trois procurations consecutiuelement passees par ledit Caronel audit de Bigues, en faueur de telle personne qu'il vouldra nommer, la premiere de 1598. l'autre de 1599. l'autre & derniere de 1600. & que ces deux ont esté deliurees par ledit de Bigues au banquier Sanzay qui a fait expedier signature sur l'vne, & sur l'autre prendre datte pour bulles à Rome. Et pour la derniere ledit de Bigues en vertu d'icelle, *mandato* du pere du demandeur a resigné en faueur dudit Belin sans le sceu dudit Caronel qui n'eut iamais cognoissance de ladite resignation. Pour quatriesme que les poursuitres des procez du temps dudit Caronel ont esté faictes aux frais du demandeur par l'entremise dudit de Bigues & par le soin & diligence du pere dudit demandeur. Le cinquiesme point que iamais Caronel n'a paru & n'a en effect que presté son nom, & que sur les lieux ledit de Bigues comme Procureur general dudit Caronel a tout faict & ordonné pour ledit demandeur, ce qui est déclaré & tesmoigné par ledit de Bigues & autres. Le sixiesme & dernier que au temps que la garde dudit Caronel a fini, & celle dudit belin commencé, le pere du demandeur a promis faire bail pour 1601. & cinq ans ensuiuans.

Après ces deux principes l'un dudit de Serres confidentiaire premier, l'autre dudit Caronel deuxiesme confidentiaire, reste le dernier & principal que ledit Belin ayt eu & accepté la troiesme garde dudit Prieuré.

Surquoy dit le demandeur premierement que luy ayant le Prieuré appartenu ou audit de Serres par resignation au vray titulaire, & depuis audit Caronel qui l'a remis & resigné à quiconque voudroit ledit de Bigues, qui auoit toute charge dudit demandeur, & l'ayant ledit de Bigues resigné audit Belin par mandement du pere dudit demandeur, il est vray de dire que ledit Belin n'a eu ny peu auoir

droit quelconque audit Prieuré que par la gratification dudit demandeur ou dudit de Bigues, ayant charge pour luy.

En second lieu le demandeur a mis en fait, articulé, & verifié la garde & confidence dudit Belin, tant par escrit que par tesmoins ouys en l'examen afutur: personnes irreprochables de la part dudit Belin, ses bienfaiteurs: l'un qu'il appelle s^o Maistre & Seigneur, l'autre son intime amy, & par autres qui ont dep^osé amplement des allees & venuës dudit Belin, en fin de l'annee 1600. vers le pere du demandeur pour se preséter & offrir a ladi^{te} garde & confidence, & receuoir par tierces personnes les assurences de la fidelité de luy pauvre estranger, & incongneu: qui n'apportoit rien sinon *compositum ad probitatem Vultum, & ut facilius imponeret, animum sub Vulpe latentem.*

Mais sans qu'il soit besoin entrer en plus grande verification par tesmoins, des faits susdits, & de la frequentation continuee depuis 1601. par ledit Belin au logis & pres la personne du pere du demandeur pour luy rendre raison & prendre instruction de tous les affaires & procez qu'il a eu pour ledit Prieuré, tant aux Requestes du Palais que Cour de Parlement, & principalement au Conseil.

Le demandeur a produit deux lettres missiues qui le rendent suffisamment conuaincu deladite confidence, l'une sans date, l'autre du 22. Aoust, 1601.

Celle sans date porte sa date dans le texte en ces mots. *Il ne m'est resté qu'un seul pistolet apres qu'ay baillé 52. escus le iourd' hier pour Rome. I'espere de iouyr en santé, recevoir pour le Sieur president.* Par lesquels mots on voit qu'il escriuoit le iour apres qu'il a acquité cinquante deux escus pour retirer ses Bulles apportees de Rome, ce qui fut le 15. ou 16. Iuillet, veu la fulmination d'icelles dudit 16. Iuillet, 1601. par luy produitte, appert aussi que ceste lettre estoit escripte de Paris, par ces mots sui-uans, *si desirez Venir à Paris pour recouurer vostre santé ie vous iure que m'engageray de tout mon corps & le vous iure.*

En suite de ce & le 24. dudit mois de Iuillet, 1601. il prend en personne poss^{ess}ion sur les lieux, auquel iour Valeran Pecoul cessionnaire de Philippes le Buteux, auquel le pere du dem^{and}eur auoit dès le 11. May au preced^{et} fait promesse de faire passer bail dudit Prieuré de Dommart, pour ladi^{te} annee & cinq sui-uantes, fait faire vne mise de fait sur ledit Prieuré & sur ladite contention, Belin le fait assigner aux Requestes du Palais ou ils plaident depuis ledit temps iusques en 1603. que le pere du demandeur est assigné à la Requeste dudit Pecoul, pour le faire iouyr tant que le tout fut composé en leur payant cinquante liures de despens.

Sur ce trouble du 24. Iuillet, 1601. est escripte la deuxiesme lettre du 22. Aoust, 1601. qui porte ces mots. *Estant comme hors de moy-mesme ay ce iourd'huy receu lettres de la part de Monsieur par lesquelles veut & me commande si pouuoir a qui ie baille la recepte a tel que bon luy semble. Je ne le vous puis sainement escrire attendant de vous reuoir &c. Je voudrois que iamais n'eussions ouy parler de Dommart, i'espere Monseigneur qu'il vous plaira me maintenir en vos graces.*

Ceste lettre est relatiue a ladite ferme dudit Pecoul cessionnaire dudit Buteux, & a vne lettre qu'ilz luy auoyent portee de la part du pere dudit dem^{and}eur, la-

quelle Belin supprime, par ce qu'elle descouueroit le pouuoir que y auoit le pere du demandeur.

Or ceste promesse de faire passer bail faite par le pere du demâdeur, fut au temps que la garde dudit Caronel expiroit, & au commencement de la garde dudit Belin & ladite contestation & empeschement, au commencement de la iouissance dudit Belin: Empeschement finy par l'accord & paiement fait par le pere du demandeur en fin de 1603.

Par l'interrogatoire dudit Belin, appert qu'il a malgré luy reconnu ses frequen-
rations ordinaires au logis du pere du demandeur, & entr'autres au ducil du feu
sieur Dolu, en Auril 1606. & quelques pariures qu'il ait fait en ses responces, on
peut aisement recognoitre qu'il a esté continuellement assisté par le pere du de-
mandeur & les siens en tous les affaires qu'il a eu depuis 1601. iusques en fin de
1607. & s'il en falloit venir a la preuue testimoniale, cela se verifiroit par tous les
rapporteurs & la plus part de ses Iuges. Aussi respond il qu'il ne s'en veut rap-
porter a eux.

Est il a croire qu'on se fut meslé de la ferme de Dommart en 1601. qu'on en eut
païé cinquante liures de despens, si Dommart n'eut appartenu au demandeur,
encores moins qu'on eut continué cinq ou six ans entiers la conduite & adresse
de tous lesdicts procez, & qu'on eut durant tout ledit temps admis & introduit
ce personnage en vne maison d'honneur pour sa belle mine, & qu'on luy eut voulu
faire present d'un benefice de deux mil liures de reuenu, pour lequel on auoit fait
plus de trois mil liures de frais durant la garde dudit Caronnel.

Par ceste lettre, le sieur de Sene a seu qu'auiez esté à Melun & desire vostre santé, &c. & peu
apres, j'espere iouyr en santé recevoir pour le sieur President. Quels mots plus preciz de cō-
fidence pouuoit il escrire audit de Bigues entremetteur dudit negoce, & autheur
pour son regard du bien recherché par luy, par l'adresse dudit de Bigues, & tou-
tesfois il entendoit de iouyr, & par sa iouissance cōseruer le titre audit sieur Presi-
dent pour ledit demandeur & quelque supposition qu'il ait mis peine d'inuenter,
sur l'interpretation de ces mots, ses interrogatoires tesmoignent son pariure
par sa propre variation & contradiction.

Belin a appellé de l'examen à futur, disant que la preuue de confidence n'est re-
ceuable par tesmoins, estimant qu'il n'y a preuue par escript: prend cela *quasi sua
male fidei aut perfidie presidium.*

On luy respond que le Conseil par diuers arrests à receu telles preuues par tes-
moins, mesmement par l'arrest pour la Preuosté de Champeaux du iour
de 1585. Contre Malart, par lequel apres que Senneton a esté receu a arti-
culer & verifier ses faicts de confidence contre ledit Malart possesseur de huit
ans, l'enqueste rapportee & receüe, Guiot deuolutaire a esté maintenu: ce qui est
conforme aux Bulles des Papes Pie quatriesme & cinquieme, specialemene de
Sixte cinquieme, qui veulent toutes preuues estre admises par tesmoins, voire
singuliers, attendu l'enormité du crime. Mais ces textes passent plus auant contre
les confidentiaires & ordonnent de iuger & punir les confidences par les simples
coniectures & présomptions, *cum constet eas non posse alias in lucem erui & probari.*

Or la confidence dudit Belin n'est pas seulement coniecturale & fondee sur indices, mais verifiee par arguments infallibles & par ses propres missiues, & cōuaincue par ses déguilemens & pariures.

Belin est aussi appellant de ce qu'on à fait iuformer de sa vie & mœurs, pour la crainte qu'il a eu que sa mauuaise & impudique vie, & ses mœurs desprauces soiēt cogneuës. Mais outre l'information nouuellement faiçte il y en a vne de Septembre 1603. decrettee contre luy au Parlement, sur laquelle il pretend auoir esté interrogé sans qu'il s'en soit purgé. Il en produit vne troisieme sous B.B. faiçte à la requeste, en laquelle trois tesmoins deposent des garces & enfans qu'il entretiēt à Dommart, & du bruit commun que Marie Belin qu'il appelle sa niepce, est fille naturelle de luy & de Loyse de Besu, tiree de Religion par luy, & pour laquelle il a esté blessé en son corps de coups de pistolets & d'espees.

Il importe au demandeur de faire cognoistre ceste fallace contenance dudit Bellin, par laquelle il a surpris la bōne foy de ceux qui l'ont creu fidelle. Il obieçte au demādeur que son action est pleine de turpitude: mais il ne dit pas que la confidence est correlatiue, & que *facinus quos inquinat aequat: crimen enim est duorum*, or il n'est pas seulement confidentiaire: mais trompeur & infidelle, *habita fides fidem obligat*, s'il estoit homme de bien: *sed illi infido nocendi aditum prebuit fides. Ergo tanto conspectus in se crimen habet quanto qui peccat maior habetur.*


Sa meschanceté est encores plus grande en ce qu'il ayme mieux perdre le Benefice & s'en priuant du tout en frauder le demandeur, que s'acquitter de son sermēt & de sa foy donnant lieu a vn deuolutaire, lequel outre ledit faiçt de confidence a descouuert l'obreption en ses prouisions, pour n'auoir exprimé la chapelle de S. Pierre & de S. Estienne en l'Eglise de Paris, dont il est pourueu dès 1597. faute qu'il commit deslors industrieusemēt où pource qu'il n'estimoit Dōmart luy appartenir: où pour auoir moyen de le faire perdre vn iour au demādeur quant on luy en demanderoit la restitution: Comme on remarque au procez pareilles fraudes par luy preueuës & préparees pour les faire esclorre au temps aduenir.

Quant à la faisie des fruits dont il fait si grand bruit, elle n'a esté faiçte que pour asseurer les reparations de Dommart, qu'il a deu faire durant sa garde, lesquelles par la visitation faiçte par les Iuges des lieux en 1607. produitte de nouuel, montent a plus de quatre mil liures, cest pourquoy Monsieur le Procureur General y a adheré & prins ses conclusions.

Ainsi le Conseil iugera l'intention du demandeur iuste & raisonnable, *Vindicare ab improbo possessore* ce qui luy a esté confié & baillé en garde pour le restituer, lors qu'il demandeur, seroit en aage & capable de deferuir ledit Prieuré.

Monsieur si nous ne pouvons sçavoir par tarder du palier de
Souda aussi par le pnt sçavoir qd nous redonnent l'attain
le mons^r de Souda main de Souda pnt mis xouse de Sd
apporte aultant d'attestis comme p^r de la vous auoir d'pnt
moyennement, moy p^r sçavoir a n' d'pnt de pnt de Sd

Mr gent vous trouue & 2 d'ord



une plus grande de appu
a vous sçavoir sçavoir

